


山谷老人刀筆

一



據中國國家圖書館藏元刻
本影印原書版框高十五
七釐米寬十二釐米



山谷老人傳



山谷老人諱庭堅字魯直姓黃氏其先娶之金華人六世祖子瞻以策于江南用為著作佐郎知洪州分寧縣瞻生玘玘生元吉始卜築脩水葬西世於山中遂占數焉元吉生中理贈光祿卿中理生湜贈朝散大夫湜生庶嘗攝康州贈中大夫公之皇考也公幼警悟讀書五行俱下數過輒憶康州竒之既孤從舅尚書李公公擇學公擇嘗過家塾見其書軼分錯因亂抽架上書問之無不通大驚以為一日千里也治平中西首鄉薦遂登四年第調汝州葉縣尉熙寧中紹舉四京學官有司考其文章優等遂除大名府國子監教授留守太師文

力董傳

一

公才之留再任用薦者改著作佐郎先是眉山蘇公子瞻見公詩於孫公莘老家絕嘆以為世久無此作矣因以詩往來會蘇公以詩抵罪公亦罰金直差知吉州太和縣改授宣德郎太和號難治以以平易近民民亦不忍欺會頒監策諸邑爭授多數獨公平平耳大吏不悅而民安之到官年餘移監德州德平縣公奉佛最謹過泗州僧伽塔遂作發願文痛戒酒色與肉食但朝粥午飯如浮屠法時元豐七年三月也序遷奉議郎

哲宗即位轉承議郎賜五品服乃以秘書省校書郎召入館未幾除脩

神宗實錄院檢討官集賢校理逾年除秘書省著

徐郎朝廷數議除美官為言事者所梗不果又遷
朝奉郎遇郊當任子舍其子而官其兄之子實錄
書成當進一官丐回授母夫人李朝廷從之遂君
安康郡公事母孝有曾閔之行安康疾彌年公晝
夜視顏色手湯劑衣不解帶時其疾痛苛痒而敬
抑搔之至親滌廁愉浣中裙云遭母喪哀毀過人
得疾幾殆既還葬因廬墓側終喪先是蘇公嘗薦
公自代其畧曰瑰瑋之文妙絕當世孝友之行進
配古人世以為實錄云服除除秘書丞集賢校理
同修國史辭疾乞守太平除宣又改鄂未幾管句
亳州明道宮紹聖初議者言

神宗實錄多誣失實召至陳留問狀二問皆以實

刁筆傳

二

對責授涪州別駕黔州安置命下左右或泣公色
自若投宋大紘即日上道君子是以知公不以得
喪休戚芥蒂其中也至黔寓開元寺摩闍閣以登
覽文墨自娛了无遷謫意俄以外无作本行常平
官避嫌移戎州公一不以介意與後生講于不急
兩川人士爭從之游經公指授下筆皆有可觀今
上登極復宣德郎監鄂州在城鹽稅改奉議郎簽
書寧國軍節度判官改朝奉郎知舒州義召以為
吏部員外郎辭疾不拜上章乞郡得知太平州到
官九日而罷管句洪州玉隆現寓居江夏公風韻
洒落膏中恢疎初无怨思談英朝請或以忤物盖
嘗忤而丞相正夫而公不屑也公往嘗作荊州承

天院塔記轉運判官陳舉承風旨採摘其間數語
以為幸災謗國遂除名編隸宜州雖被橫逆未嘗
一語尤之浩然自得也崇寧四年九月三十日卒
於宜州寓居年六十有一大觀三年十一月歸葬
雙井祖塋之西先配孫氏莘老之女封蘭溪縣君
後配謝氏師厚之女封介休縣君一男曰相一女
曰睦嫁將仕郎舒城李文伯公學問文章天然成
性落筆妙天下元佑中眉山蘇公號文章伯當是
時公與高郵秦少游宛丘張文潛濟源晁無咎皆
游其門以文相高號四學士一語一詩出人爭傳
誦之紙價為高而公之文光絕出高妙追古冠今
祝後輝前晚節位益黜名益高世以配眉山蘇公

丁年傳

三

謂之蘇黃公嘗游鵞院樂山谷寺石牛洞之林泉
因自號山谷老人天下皆稱曰山谷而不名字之
以配東坡云公楷法妍媚自成一家游荊州得名
本蘭亭愛翫之不去手因悟古人用筆意作小楷
日進曰它日當有知我者草書尤可偉公沒後人
爭購其字一紙于金云

山谷老人刀筆目錄

卷之一

初仕至館職

上東坡先生

再上東坡先生

上小蘇先生

見張文定公

謝張文定公

謝運幹朱朝奉二首

與洪甥駒父九首

答三洪甥

與徐甥師川三首

刀筆目錄

與秦少章

觀八首

卷之二

初仕至館職二

與俞清考三首

與景仁考功二首

與公肅舍人

與鄧邠老十首

與王立之承奉直方二十五首 方

卷之三

初仕至館職三

與徐彥和五首

與景温都運三首



與景善節推

與李伯時四首

與張仲謀三首

與人

答王觀復

與衛嗣賢

答陳敏善二首

答知郡大夫四首

答太平州梁大夫三首

答聖與權郡二首

答曹荀龍四首

與人三首

刀筆目錄

二

與王謹中環中昆中

卷之四

初仕至館職四

與人二首

與崧老

與王及之賢良

與周錫惟深

與孫克秀才

與趙伯充

與濟川姪

與懷道姪

與宜春朱和叔二首

與人

答萊州使君 二首

與鄧仲常 一首

答監使殿直

與君實仁親

與職方太叔

與六姨 三首

與范宏夫

答佛印了元禪師 二首

與雲岩西堂和尚

與雲岩禪師 二首

答清隱禪師 二首

與觀音院長老

答廣公閣梨

與翺大師 二首

與雲居教首座

與余洪範 二首

答張益老 二首

答程德孺運使

與人

○卷之五

丁憂

與洪甥駒父 四首

與洪甥龜父 二首

與方察院

與子正通守

與仲謨運勾

與周子文長官

與焦君明 四首

與雷庸 四首

與關伯仁 三首

荅人

與德舉宣義

與人 二首

與本州太守 三首

荅何斯舉 五首

○卷之六

丁憂

與李德叟

跋前書

與呂晉甫 二首

與張和叔通判

荅蕭子孝

與胡少汲 五首

與潘子真 二首

與徐甥師川 二首

與運判大夫 二首

與聖弼 五首

答唐彦道 四首
答朱時發 四首

○卷之七

丁憂

答洪甥駒父 二首

與南康使君察院 二首

與字父少卿伯修 四首

與伯大團練 二首

與頓敦詩察院使君 三首

答孟易道傳通判 四首

與元熙使君

與君玉主簿

答睢老

答孫僧正 二首

答東林長老度公 二首

答羅漢南長老 二首

與芝上人 墨秀 四首

與覺海和尚 二首

與秦世章文思

○卷之八

黔州

與秦世章文思

答京南君瑞運勾 一首

答謝晦叔 二首

與敬叔通直

與張叔和通判

與人 三首

與唐廷道 四首

答從聖使君 三首

與程德孺金部 二首

答王太虛

與周達夫 三首

卷之九

黔州 ①

與周元翁

答李材 二首

答王觀復 二首

答雍熙光輝師

與曹使君伯達 譜四首

與逢興文判官 二十九首

卷之十

黔州 ②

答宋子茂

與人

與達監院 二首

答瀘州安撫王簡之 二十四首

與瀘州公府

與韓純翁 二首

與胡秀才

卷之十

戎州

與東川提舉先狀

與東川提舉手書 五首

與戎州新守先狀

與戎州新守手書 四首

答灑帥王補之 十二首

答王雲子飛 十七首

卷之十二

戎州

答王雲子予 三首

與錫王霖子均 八首

與人 二首

答王觀復

答李長情

答南溪李石信道人 三首

答宋子茂殿直 六首

與試官李止孺

與試官蕃子數

與試官王君宜

卷之十三

戎州

與襄陽憲李議 三首

荅楊齋郎四首

荅裴道尉勾宗高六首

荅張道游二首

荅石長卿

荅王子厚四首

荅王秀才

荅王定國三首

荅王周彦二首

荅楊明叔

荅虞君可

荅郭英發二首

荅僧從之二首

卷之十四

戎州

與趙中錫判官二首

荅黔州馮興文判官三首

荅黔州陳監押三首

荅黔州赴水令田師閔二首

荅黔州潭司理二首

荅黔州崔少府

荅李德素三首

荅李邕

荅李允工

荅李大受

答李廣心

答叔震

答山因象

答清長老 三首

卷之十五

戎州 四

答徐甥師川 三首

答廉溪居士

答楊君 三首

答戴純仁 二首

答家致平

答江安李殿直

答家宣叔

答王觀復 二首

答鮮自源

答史子山

答唐坦之

答王纘復 六首

卷之十六

戎州 四

答何靜翁 四首

答閬州魚仲修使君 三首

答蘇大通 六首

答孫翊言

與楊子建秀才

與社元叔

與王君全

與呂道人

與純禪師

答寶公座主

與崇勝密老

與定嚴院主清公

與人二首

答人三首

卷之十七

戎州

與旒長老二十首

卷之十八

離戎州至荆渚

與東川路分武皇城樂共城九首

與宋子茂殿直三首

謝瀘川贊府

謝郭巡檢

與處善使君二首

答檀敷禮十六首

與李翹叟法曹四首

與張中叔

與馬中玉金部三首

與黃益修二首

與黃諒正二首

與黃端己

與李深之

與周達夫五首

與人

與鄭君能三首

與人

卷之十九

荆渚

答蘇黃門三首

答李端叔三首

與徐錫師川二首

答王周彥五首

與王維提舉

答王觀復五首

答向和卿簽判三首

與峽守

與聞善二兄

與黃顏徒

與頌之八舅

與通叟姨夫

與范德孺龍圖

與王全州

與歐陽元老十一首

與文舉五首

與劉溫如

卷之

離荆渚至宜州

答李幾仲

與晉彦回朝請五首

與知縣二首

與襄沔染院二首

與唐文公二首

與崔供奉

答伯舟父

與曾公卷

與人二首

與徐尉思齊

與人三首

與馮才叔機瓦十首

答李彦明知縣四首

答佛海瑞公

答棲賢和尚

答法鏡僊老

答長沙崇寧平老一首

山谷老人刀筆目錄終

山谷老人刀筆卷第一

初仕至館職一

上東坡先生



某再拜某齒少且賤又不肖無一可以事君子故嘗望見眉宇於衆人之中而終不得備使令於前後伏惟閣下學問文章度越前輩大雅愷悌博約後來立朝以直言見排退補郡縣上課最可謂聲實相當內外稱職凡此數者在人爲難兼而閣下所蘊海涵地負此特所見於一國一州者耳惟閣下之淵源如此而晚進之士不願親炙光烈以增益其所不能則非人之情也使有之彼非用心於富貴榮華碩日暮計功道不同不相爲謀則淺矣自是已無好學之志訑訑予旣已知之者耳其大幸蚤有聞於父兄師友已立乎二累之外然獨未嘗得望履幙下則以齒少且賤又不肖耳知學已來又爲祿仕所繫聞閣下之風樂承教而未得者也今日竊食於魏會閣下開幙府在彭門傳音相聞閣下又不以禾嘗及門過譽斗筲使有黃鐘大呂之重蓋心親則千里晤對情異則連屋不相往來是理之必然者也故敢坐通書於下執事夫以少事長士交於大夫不肖承賢禮固有數似不當如此恭惟古之賢者有以國士期人略去勢位許通草書或竊取焉非閣下之愷悌素處何特不可直不敢也仰恃知察故又作古風詩二章賦諸從

者詩云我思古人實獲我心心之所期可爲知者
道難爲俗人言不得於今人故求之古人中耳與
我並時而能獲我心思見之心宜何如哉詩曰既
見君子我心寫兮今則未見而寫我心矣氣倏暄
冷失宜不審何如伏乞爲道自重

再上東坡先生

某再拜自往及今不承顏色如懷古人頃不作書
且置是事即日不審何如伏惟坐進此道如聽鴻
雲之去來客土不給伏臘尚可堪忍否夫忠信孝
友不言而四時並行晏然無負於幽明而至於草
衣亦食此子桑所以歌不任其聲求貧我者而不
得也且聞燕坐東坡心醉六經滋味糟粕而見存

乎其人者頗立訓傳以俟後世子雲安得一見之
昨傳得寄子由詩恭儉而不迫憂思而不怨可頌
乎如南風報德之絃讀之使人凜然增手足之愛
欽仰欽仰公擇莘老頗嗣昔否師厚詩語氣益謹
嚴極似鮑明遠但因來不多復未果錄寄耳比以
職事在山中食筴得小詩輒上寄一笑此旁州士
大夫和詩時有佳句要自不滿人意莫如公待成
厚頌爲落筆思得中紙疾讀如老杜所謂一洗萬
古凡馬空者朝夕須報惟君子之四時體道一鈔
神明其相之四月六日某再拜

上小蘇先生子由

某頓首再拜誦執事之文章而頓見二十年矣宜

學匏繫一州輒數歲迄無參對之幸每得於師友
昆弟間知執事治氣養心之美大德不踰小物不
廢沉潛而樂易致曲以遂直欲親之不可媒欲踈
之不能忘雖形迹闊踈而平生味嘆如千載寂寥
聞伯夷柳下惠之風而動心者然惟小人不裕於
學彷彿塵垢之外撲拙無所可用既已成就雖造
物之鑪錘不能使之工也得邑極南幸執事在旁
郡且當承教為萬金良藥使痼疾少愈而到官以
來能薄不勝事劇陸沉簿領救過不暇筆墨不足
以寫心之精微故每欲作記而中休時因過賓有
高安行李必問動靜以其所言參其所不能言承
典司管庫之蕃率職不怠懷璧潤貧舍者爭席良
以自慰比得報伯氏書詩過辱不遺緒言見及故
不自量菲薄輒承請左右敢問不肖既全於拙矣
於事無踈親不了人之愛憎人謂我朱愚非所恤
獨不知於道得少分否共惟聞道先我為世和扁
有病於此初固聞而知之因來尚賜藥石之誨抱
疾呻吟仁者哀憫秋冷不審體力何如伏惟萬福
願強飯自重不宣某再拜

見張文定公

雙井黃其再拜獻書致政宣徽少師閣下詩云瞻
彼淇奧綠竹漪漪有斐君子如切如瑳如琢如磨
瑟兮僖兮赫兮咺兮有斐君子終不可諉兮惟古
之德人其高明有臨其觀深有感其潤澤在下其

光輝在上使人望之而鄙吝之意消亦不容擊矣
共惟閣下道尊德貴載之從來飯糗桑樞而山立
乘軒委佩而超然出入諸公間如砥柱之屹中流
也問學文章水銷彼已惟道以爲體白首日新夙
夜德人之事如川之發源其負無行義之儲不見
比數於時輩無以爲左右重顧有事賢之心取與
自信其篤嘗與深識士大夫詠嗟盛德相講勸以
爲歸而身賤遠未得有足跡於門墻之下今日掃
舍人之門非敢以小人固陋僭求言論風旨拜於
庭而承顧盼進几杖而見嘖呻得所以不言而歛
人者則淇澳之所歌昔聞其聲今見其實操豚蹄
以祝雖所欲者奢而可笑先至後去以幸東壁之
餘光不可謂無意者也蒙冒清重俯以聽命不宣
某再拜

謝張文定公

某頓首再拜致政宣徽少師閣下某不肖懼不給
使令豈敢望教伏蒙開納衣被以道至極溫厚瞻
拜孔德之容慰適小人之願幸甚幸甚重蒙慰誨
勞苦非晚學孤生之所宜蒙惟閱盛德之聲色於
不有倚富貴於几杖之外而下無能此豈流俗之
情哉顧器淺能薄恐夙夜自強不足以副門下之
意暑氣煩溽不敢再造齋館伏祈調御衛生之經
河澗九里不但小人蒙福也謹上狀皇恐某再拜

○謝運判朱朝奉 彥博

寫小使受未傳語多

某拜拜不學與術得邑僻左承前滯滯之餘簿書
期會糾紛熟爛不可撥拾健訟之民一不得氣詆
郡刺史訕訕官長長短視遠者常得其影類多見
聽追遠證佐析楊相推囚繫索情溢山牢戶之外
聽事以來于今八月惟是智度短淺裁割未有見
効夙夜履水瀆謹訶至則免冠就訊歸伏丘壘以
安無能之分加以山野不曉事與中朝士大夫絕
不相知故於門牆無一日之雅進寸退尺終不敢
驟以書通今者豈有以不肖欺左右者乎迺蒙過
聽識拔於衆人之中以倍使令承命慄然恐不任
鞭策以負高明之舉也然伏思閣下才品卓越簡
在欽明將朝廷不異遠方之寄來作雷雨下車未
幾惠威載於江西籍嘗訪之親識間決事若流誠
得執轡走越陪輔千慮之一實所欣慕大布按行
將臨下邑當以職事待罪輒自達小人之情秋暑
尚爾伏祈調護行李爲國自重區區不勝至願

○又

楊理遠也楊遠

不肖於諸公之間豈不願盜名恐累足下知言爾
往多故不作報度已察南來拘若吏事雖江山相
映發心不在焉如墻壁間作詩文與俗俯仰不足
紀錄得顯目兄弟時持書冊來講問撥置簿領一
解煩爾承去歲不利秋官居間當有自娛即日體
力勝否昨所論怨與不怨論事似不當爾苟志於
仁矣其餘存乎其人不可聽以一律君子陽陽考

樂與北門發裝同為君子之詩夫爭名者於朝爭利者於市觀義理者固於其會怨與不怨去道遠矣莊周所謂九萬里則風斯在下矣足下以為如何無階合并十詩仰報盛意因以當面頤自重不宣

與洪甥駒父

駒父知錄外甥得書喜安勝文城感義兩宅想每得安問官下簿領之餘頗得近書冊邠老相與有日新之益老舅自夏來為外婆時時少不快極廢學意緒常濛濛也中外不幸益帥行次陝之閩鄉暴疾頃刻不起一月來哀痛不能堪柰何柰何沒以二月二日二十二日巳次水門外普照寺屢往哭之每令人欲心折也適此變故來人索書草草作此邠老且為道千萬意某書寄

又

駒父知錄外甥得手書知官下安勝為慰所寄文字更覺超邁當是讀書益有味也學問文章如矧才氣筆力當求配於古人勿以賢於流俗遂自足也然孝友忠信是此物之根本極當加意養以數厚醇粹使根深蒂固然後枝葉茂爾仕宦如農夫之耕其得秋在深耕而孰穫之歲事之成則有命焉無見邠老亦為之道此不審以為何如至親中失公擇幸老齊中至今憤憤不可思念餘惟自愛耳舅某書致

又

駒父外甥昨得書見筆札已眼明及見詩歎息弥
日不謂便能入律如此可謂江南澤中產此千里
駒也然望甥不以今所能者驕釋人而思不如舜
禹顏淵禹七年三過其門而不入觀禹貢之書厥
功茂矣然而終不伐此必有長處竄怨寡言是爲
進德之階千萬留意猶望官下勤勞俗事勿懈古
人之言猶鈎其深彼俗吏事聰明者少加意即當
書最旣以立家爲事榮及手足爲心當念如此夜
二十刻許大郎來言黃人不肯留呼燈作此極草
草續別爲問九舅白

又

駒父知錄外甥久欲作書人事忽忽因循至今所
寄詩每開卷歎息弥日若齋心服形之功亦至於
此老舅以爲白首之託也如甥才秀如此不患當
路諸人不知但勤官業懷璧自愛耳邠老才性極
明敏相與琢磨去盡少年之色須用董梧之鉏痛
治之耳學功夫以多讀書貫穿自當造平淡且置
之可動董賈劉向諸六字學作論議文字更取蘇
明允文字讀之古文要氣質渾厚勿太瑀琢作得
寄來其書奉

又一

駒父外甥推官得來書并寄近詩句甚秀而氣有
餘慰喜不可言甥風骨清潤似吾家尊行中有文

者忽見句法如此殆欲不孤老舅此意君子之事
親當立身行道揚名於後文章直是太倉之粳米
耳此真實語決不相欺又聞頌以詩酒廢王事此
雖小疵亦不可不勉除之牛羊會計古人以養其
祿老舅昔嘗亦有此過三折肱而成醫其說痛可
信也鄧翁亦甚相愛論亦及此切希加愛不具九
舅書上

二

南昌必數得安問所須筆墨二種及龜蒙麝煤二
丸有新作又寄來都下有所須因來示諭切希勤
吏事以其餘從事於文史常須讀經書味古人經
世之意寧心養氣累九鼎以自重乃所望於甥者
一日克己天下歸仁焉無患人不知也潘邠老聽
明強敏相從以講學為事乃佳耳

又一

駒父別後惘然者累日雖道途悠遠鴻鴈相依頗
不索漠黃州人來得平安之音甚慰也即日想安
勝太守書頗相知更希善事之尺璧之陰常以三
分之一治公家以其一讀書以其一為棊酒公私
皆辦矣玉父若且留黃亦自佳不知能如此否外
婆比來意思殊勝比去冬十分減六七望夏秋間
得佳也

二

所寄釋權一篇詞筆縱橫極見日新之功更須治

經深其淵源乃可到古人耳青瑣祭文語意甚工
但用字時有未安處自作語最難老杜作詩退之
作文無一字無來處蓋後人讀書少故謂韓杜自
作此語耳古之能為文章者真能陶冶萬物雖取
古人之陳言入於翰墨如靈丹一粒點鐵成金也
文章最為儒者末事然既學之又不可不知其曲
折幸熟思之至於推之使高如太山之崇崛如岳
天之雲作之雄壯如滄江八月之濤海運吞舟之
魚又不可守繩墨令儉陋也

三

鴻父不果別作書凡欲與二甥道者意不殊也往
見所作玉父倦殼軒詩極知不負老舅所期既食

刀筆卷一

九

貧不免仕宦古人所謂一人乘車三人緩帶此亦
不可不免賦自是中郎父子舊業更須留意作五
言六韻詩若能此物取青紫如拾芥耳老舅往嘗
作六七篇曾見之否或未有當謾寄大體作省題
詩尤當用老杜句法若有鼻孔者便知是好詩也
二何常相見否為致意寄蜀紙茶托多謝何須為
尔烏田馬牙一百謾寄書大字縣手書勿令欹斜
失威儀乃佳耳

答三洪甥

龜父玉父蓋父諸甥得書知侍奉大母縣君安樂
甚以為慰駒父常得近耗代者已至否鴻父只在
齊安否龜父所寄詩語益老健甚慰相期之意然

家貧老人須養未免就科舉更須收拾筆墨入規矩中得失雖不在是要是應科舉法也方君詩如鳳鷄出穀雖未能翔于千仞竟是真鳳凰爾今幾許春秋性行何如治經術否潘子真近有書傾倒甚至亦未暇作報益父知讀書有味否所欲於范守處借人易爾但平生不識方一通書後信便可言此未緣相見思念何日不勤惟萬萬自愛因來頻寄書老舅某書

與徐甥師川

師川外甥奉議別來無一日不奉思春氣暄暖想侍奉之餘必能屏棄人事盡心於學前承示諭自當用十年之功養心探道每咏嘆此語誠能如是足以追配古人矧前人之耻然學有要道讀書須一言一句自求已事方見古人用心處如此則不虛用功又欲進道須謝去外慕乃得全功古人云縱此欲者喪人善事置之一處無書不辦讀書先淨室焚香令心意不馳走則言下會理少年志氣方彊時能如此半古之人功必倍之甥性識穎悟必能解此故詳悉及之夏初或得相見因五舅行草草

又

師川外甥奉議前日直夫行寄書當已達即日春氣暄燠不審何如想侍奉八姊郡君進學不懈小大同福前呂新婦臨窆免身得男亦因來願報直

夫以公事牽挽入城意甚莫落幸善館待之親得
唯此一人雖耆艾而有少年之過貴老謂其近於
親豈可責備耶紙筆謾送亦未佳但可供學爾他
日有佳紙當別寄洪姊六過省高殊可喜文意超
邁雖中魏科可也非久當面故書草草

又

比遣李掾人報書城裂及今欲一二作書臨頭眩
意緒可知也累日得兩天氣差涼雖阻江山風氣
不殊比來八姊郡君尊候何以甥讀書益有味否
須精治一經知古人閨揆子然後所見書傳知其
指趣觀世故在吾術內古人所謂瞻欲大而心欲
小不以世之毀譽愛憎動此瞻欲大也非法不言
非道不行此心欲小也文章乃其粉澤要須探其
根本本固則世故之風雨不能漂搖古人特立獨
行者蓋用此道耳洪潘皆是佳少年但未得嚴師
畏友追琢其相耳忠信孝友立則見其森於前在
輿則見其倚於衡當久而後能安之若但綉其鞶
旒又安能美七尺之軀哉非甥輩有可以追古人
之才老舅不出此語也未緣趣席千萬強學自重

與秦少章書

頃兩見少游皆承在天壽前自外歸又承見過相
待甚久惜不款晤也惠示與晁十書筆勢駸駸可
喜其心醉於詩與楚詞似若有得然終在古人後
至於論議文字今日乃當付之少游及晁張無已

足下可從此四君子一二問之前曰王直方作楚詞二篇來亦可觀嘗告之云如世巧女文綉妙一世欲作錦當得錦機乃能成錦足下試以此思之

又

辱惠教審安勝為慰學問之本以自見其性為難誠見其性坐則伏於几立則垂於紳飲則列於尊彝食則形於邊巨升車則驚和與之言奏樂則鍾鼓為之說故見已者無適而不當至於世俗之事隨人有工拙者君子雖欲盡心夫有所不暇相見乃盡之

又

辱簡記承學問不怠為慰前得所惠書展讀頗有家法此事要須從治心養性中來濟以學古之功三月聚糧可至千里如足下才性之美何患不及古人但勿欲速成耳詩軸都為謝公定借去未取得來即遣去前承陳無已語有人問老杜詩如何是好處但云直須有孔竅始得因相見試道之

又

前承惠詩并得教極荷相與不怠詩輒和呈所問文體大似擊鍾叩其旋蟲與荀篋不若發其全體之聲耳欲得陳無已舊作黃樓賦記又答李端叔書如有本且借示

又

前辱示教并示新文累紙又屢屈車馬公私忽忽

不辨眼前盛意未報然欲愛之誠則勤足下當亮
此天氣日夜涼漸宜灯火想於文字益有功乞可
以養生事親者用心焉事無道俗一以貫之獨願
勿載得失於心術耳爾後稍暇當約過圃池閑談

又

作文字不必多每作一篇要商榷精盡檢閱不厭
勤爾舉場下筆遲澁蓋是平時讀書不貫穿也併
書十扇甚愧勤國士也筆意殊有佳處公舊學蘇
餘杭書已有功政坐變從不肖規摹筆乃小嫩耳
寫字鄙卑也亦安用功然賢於博奕游息時聊爾
爲之能使筆力悉從腕中來筆尾上直當得素

又

缺然數日見季共簡春秋之論妄意其如此豈敢
爲必其趙盾許世子恐如左氏所傳是聖人以義
責臣子之忠孝故有抑揚魯史者故磊磊見於世
不沒其實不計其後缺剝如此耳昏夜方侍親老
奉玄武君香火作報草草

又

比在告熟讀前所惠詩卷如公關祭文語意甚善
詩句極有風裁可喜合處便似吾少游語然恨工
在遣辭病在骨氣爾古之聞道者請問治天下則
對曰去汝鄙人也何問之不豫也文章雖末學亦
須茂其根淵深其源以身爲度以聲爲律不加開
鑿之功而自宏深矣公誠以此言爲可則猶有一

物爲公道之二十年來學士大夫有功於翰墨者
爲不少卓爾名家者則未多蓋嘗深求其故病在
欲速成耳夫四時之運天德也不能即春而爲冬
斷可識矣承自屈訪遠故及此更占大方之家有
所聞見幸見教

山谷老人刀筆卷第一

